



Գետնախոր տուն Հայոց . — Maison souterraine en Arménie.

հարաւոյ՝ Թաթա, Ճաղաթո՝ հզօր գետ, և յեղից՝ Պիւսպ, Սափեւայ, Տեւէ-Տաթ, Ճիւիւրիւն, Աճեւայ, Թաթեան-Տաթ, և այլն, յորոց ոմանք 'ի Սոհունդայ 'ի ջրանեն. իսկ Աճիւայ որ և Սաթիւսպ որ տու Դաւրիժաւ անցանէ՝ 'ի բացուստ 'ի ստորոտից Սաւալանայ գայ. 'ի Սոհունդայ խաղան ընդ արևելս Էսթաթա և Գարանիս, և այլովք հանդերձ օժանդակեն զԳրղըլ-Իօզէյն գետ մեծ (Գովղան) զեկեալն 'ի Մարաց, որ և հատեալ զՎիլան աշխարհ Թափի 'ի ծով Կասպից: Ի լեբանց Գարատաղու բոլնէ Ասոր գետ և խառնեալ ընդ Գարատա՝ որ յեղից հիւսիսոյ Սաւալանայ և 'ի կողմանց Թալիւայ գայ, դորձէ զՏեւէ-Տաթ օժանդակ Երասխայ: — Եւ այսքան վասն հորոյ և ջրոյ Հայաստանի շատ լիցի. յիշեցուք և զօգս:

26. ՅԵՂԱՆԱԿՔ ՕԴՈՅ Թերևս աւելի քան զհողն նշանաւոր են չափով զուգախառնութեանն, և զանազանեալք 'ի շրջակայիցն աշխարհայ, նա և յիւր ուրոյն մասունս երկրին, որ ըստ աշխարհագրական դրից ունի զմիջավայրս բարեխառն գօտեաց, և համաստիճան է երջանկագոյն և անուշագոյն վայրաց աշխարհի, իմա՝ Սպանիոյ, Իտալիոյ, Յունաստանի և Փարսիոյ, այլ ցրտութեամբ առաւելալ յոյժ ոչ քան զնոսա միայն, այլ և քան զԳաղղիա և զԳերմանիա և զայլ ևս աշխարհս Եւրոպիոյ բազում աստիճանօք հիւսիսագոյնս քան զնա. մինչգեւս յողովք 'ի նշանաւոր քաղաքաց համաստիճան վայրացն յԵւրոպա վայելեն դարուն մշտնջենաւոր կամ ամուն չափաւոր, 'ի Հայս ձմեռն ութամսեայ ունի զհարաւագոյնս ևս քան զնոսին, և բազում ուրեք նստի ձիւն զկէս ամին: Ի վաղուց հետէ համբաւեալ է ձմեռնն հայկական առ

քերդոցս Լատինաց, և առ Հարս, և առ հնագոյնսն քան զնոսա՝ զօրավարս և աշխարհագիրս Յունաց և Հռովմայեցոց. 'ի հիւսիսահողմն աշխարհին և 'ի բարձրաւանդակս հարաւոյ՝ ձմեռն սկսանի 'ի հոկտեմբեր ամսեան և տեէ ցմայիս. շատք 'ի գետոց 'ի սպառ պաղին, և ջուրք և գիւրք և դարք առ հասարակ գաշտանան 'ի միատարր ձուլած ձեան, որ 4-6 ոսնաչափ բարձրացեալ ծածկէ դերեսս երկրի. և 'ի ստեպ տարափոյ նորին և 'ի բլրոյ՝ բազում տազնապ հասանէ և վտանգ ուղևորաց, և է ուրեք զի ընդ հիւսով ձեանն ծածկին ուղջոյն կարաւանք. վասն որոյ 'ի հնուց հետէ սովորեալ է նոցա կրել ձողս երկայնս, որպէս պատմէ և Ստրաբոն, և ցցել արտաքս ընդ ծածկոյթ ձեանն վերարկելոյ, որպէս զի լիցի նշան այլոց անցաւորաց կամ ուսմիջակայց, և դերձանիցին Թաղեալքն: Իսկ բնակչաց երկրին 'ի սկզբանց անտի հնարս իմացեալ է շինել տունս դեանափորս կամ կէս ստորերկրեայս 'ի կողս բլրոց և ձորոց, զորոց նախ և առաջին զրոյց առնէ Քսենոփոն պատմիչ և զօրավար, որ 400 ամօք յառաջ քան զԹուականուլիւն Փրկչին՝ էանց ընդ սառամանիս Հայոց. և ցայսօր ժամանակի նոյն ձեւ և նոյն տարազ է ամայն, մարգակոք 'ի ներքուստ բարձեալ, և դատիկունս արկեալ, մի միայն ունելով մուտս և էլս լուսոյ և ծխոյ, մարգական և անասնոց, զի առ երկ կայ և ախոռ նոցին և շունչ նոցա ջեռուցանէ զանկուռնս: Երկարագոյն է ձմեռն Բարձր Հայոց, ուր եօթն և ութ ամիս ձիւնէ. յետ նորա Այրարատեան կողմանց Երեանայ, ուր Թէպէտ և հինգ ամիս միայն նստի ձիւն, այլ ցուրտ ոչ ինչ պակաս 'ի Կարնոյ, և իջանէ ջերա-